



In dumënia ai 27 de aurì él gnü sughé la sesta partida de campionat de 3a categoria por la squadra da La Val. L'avversar é in chësta dumënia stè le Olang, che à fat jì i sogadûs da La Val a mans ôtes a ciâsa. Le Olang dominëia sön sò ciamp davagnan por 2 a 0.

Do la semifinalla de Copa Provinzia da in mercui, daulache le Ritten é jü demez dal ciamp da La Val cun la devënta de 2 a 0, mëss la squadra de Floriani subì le medemo resultat sön le ciamp da Olang. La prestaziun dla squadra ne é nia stada assà buna sciöche atres partidas, ince magari deache les 4 partidas sugades tles ultimes dôes edmes se à fat sintì tles giames di sogadûs.

Passun ala partida, bele da mët man é le Olang che fej n gran druch cun de beles aziuns y n bel jüch. I sogadûs da La Val é fracià massa zeruch y insciö pò i avversars atira conquisté le pal y sughé. Freddy m
ess bel dô püc menüc abandonè le ciamp a
gauja de na strata, ch
sc v
ë
gn sostituì cun Felix N.
La Val röia ma pü

ć

iadi sō dan porta aversara, un n iade cun Emanuel D., che ciafa le pal sōn na pêrt dl'area, al é bun da se ôsc y cun na bela trata sfior

ě

iel le palo lunch de porta. Sepl K., indô tra i pali fej ince na gran parada, sōn na trata dal ciantun abina n atacant le pal de cé y ch

ě

sc v

ě

gn devié dal portier.

La concentraziun fala cotan y i pröms caranta menüć ne é la squadra da La Val nia buna a se sblochè. Apëna che i sogadûs ciafa indô n pû de grinta é l'arbiter che sciûra le pröm tēmp.

I sogadûs pò jì a recuperè energies dô n burt pröm tēmp, le resultat resta sōn le 0 a 0.

A Emanuel D. ne ti vara nia cîs bun y mëss insciö gnì sostituì, te ciamp rōia spo Adrian M. che süga bel dant. A mēt man dl secundo tēmp ciafa i sogadûs da La Val plö coraje y é bugn de alzè la squadra, por n mumënt é le Olang che mëss se dēfenn. Sōn na trata dal limit dl'area é Micky che abina le palo lunch, chēsta trata vëgn deviada dal portier, Felix rōia ciamò sōn le pal mo la trata cuntra porta rōia de pûch dlungia ia.

Püch dô é spo le Olang che sun aprofitëia, i sogadûs da La Val é fora de posiziun y insciö é l'atacant che ti sciampa ala defenjiun. N defensur pro dal tignì sö mo le contrast ti costa la chërta cöcena por avëi gaujè le fal sciöche ultimo uomo. Ince sce la bela trata al limit dl'area vë gn deviada da Sepl K., röia l'avarsar lassura, ch

ë

sc pâssa amez daulache sò cumpagn pò apogè le pal te porta. I sogadûs ne arbâsa nia le cé y pro de atachè le plö che ara vâ, ruvan ince ciamò cun na pala de cé de Adrian cuntra porta, gnüda rebatüda sura fora.

Le defensur desgord y le vantaje di aversars ó ince dî rischié val y porch

ë

I é ince le Olang che prô da ataché la profundité. Sön le secundo gol esi in tr

ë

i cuntra un che ataca la porta, le defensur

ne é nia bun dai tignì sö y

la trata dlungia le palo ite ne é nia jüda da tignì sö por Sepl. A pü

ć

menü

ć

dala fin ti à ch

ë

sc gol taié les giames ala squadra.

Ti atri menüć dla partida ne éle nia gran ocapiuns da trames pèrts. La partida se stlütj jö sön le 2 a 0.

Na batosta por la squadra da La Val che resta insciö al secundo post dla tlassifica cun 40 punć.

La proscima partida de campionat é in dumënia ai 4 de aurì dales 16:00 sön le ciamp a La Val cuntra le Gais. Le proscimo mercui ai 7 de mà é l le ritorno dla semifinale de Copa sön le program. Sughé vëgnel dales 20:00 sön le ciamp dl Ritten.

Formaziun titolara: Sepl Kantioler, Egon Frenes, Alex Alton, Paolo Vallazza, Werner Sottara, Alex Elzenbaumer, Stefan Sottara, Freddy Sottara, Micky Frenes, Marco Rossini y Emanuel Dorigo.

Alenadù: Floriani Claudio

Sostituziuns:

Felix Nagler vëgn ite imped Freddy Sottara (10[^] menüt)

Adrian Miribung vëgn ite imped Emanuel Dorigo (45[^] menüt)

Martin Ploner vëgn ite imped Egon Frenes (45[^] menüt)

Max Nagler vëgn ite imped Marco Rossini (70[^] menüt)

Por odèi i resultač dles atres scuadres daulache al süga sogadûsc da La Val drüca [RESULTAČ](#)

